

石洲集
天

~ 16
2364
1



2364
1-3

石洲集序



詩天機也鳴於聲華於色澤清濁雅
俗出乎自然聲與色可為也天機之
妙不可為也如以聲色而已矣顛冥
之後可以假彭澤之韵齷齪之夫可
以效青蓮之語肖之則優擬之則僭
夫何故無其真故也真者何非天機

之謂乎世之人以詩觀詩不以人觀
詩若然者豈唯不得其人並與其詩
而共之詩可易言乎哉石洲之詩談
者謂百年來所未有此固以詩論也
乃余竊得其人焉余生後公幾二十
年弱冠幸得從公游為人廣頰哆口
踈眉目顏偉而氣豪言論磊落動人

間雜詼譎性嗜酒之後語益放傲
睨吟嘯風神散朗即不待操紙落筆
而凡形於口吻動於眉睫無非詩也
者及其章成也情境妥適律呂諧協
蓋無往而非天機之流動也公雖以
詩酒自放然天資甚高內行甚飭讀
瀛洛諸書見解通明雖老師宿儒無

以遠過之

宣廟聞其名 命進所為詩大加稱
賞至以布衣佐僉使光海政亂屢以
危言忤權貴竟中蜚語坐詩案以死
及

今上踐阼 命贈某官以伸直道

完山尹洪公實皆

公門下士始錄公遺稿刻成屬余序
之余結髮知慕公嘗得一言獎許至
今未敢忘也序卷之託又何可辭噫
公以豪傑之資用志不分專發之於
詩然其遇於世也只一當 華使而
已奇禍之惜竟亦繇是致焉不知天
之畀公絕藝榮之歟抑禍之歟乃今

石洲集序
三
遺集之行出於禍蒙之餘殘膏賸馥
將沾被衾中其視富貴而名磨滅者
得失何如哉逝者而有知亦足以自
慰矣悲夫

崇禎壬申春日德水張維謹序

石洲集序

居平遇余輒言石

洲權汝章未嘗不相對一澆率
未冬 出按湖南節將新過
余曰石洲骨已朽矣唯其不朽
之大業尚有若干篇其又可朽

耶已屬完山尹浩汝時謀入梓
石洲平生自謂相公知且非相
公莫可序此稿嗚呼汝章之稿
余烏得無言汝章昔嘗持先公
習齋集求余序不腆之文實在
卷首孰謂今日又序汝章稿耶

始余與汝章年輩後先未及覲
面而聞其詩則久矣逮萬曆辛
丑余受命西僨白于朝請
以白衣免製述官

宣廟嘉之命徵待稿以入於是
汝章之詩恒在香案而汝章

詩聲益彰徹大鳴于時幕中諸
君皆名家大手各建旗鼓寫
視詞壇而門路之正格律之循
則翫之咸推汝章蓋節制之師
也余觀其詩聲裝為章意至而
舒清麗典雅各臻其妙真所謂

絕代希聲也汝章早拋舉子業
除官皆不就寓居湖上家貧妻
子恒有飢色而人或勸之仕哦
詩若不聞樂弛置自放於人少
詩可跡不到達官家獨時之造
余之亦遇輒邀酒賦歌呼驩

然相得風流曠發俊修駕人氣
隘宇宙眼空千古其所抱負非
俗人所可窺測嗚呼汝章豈獨
詩哉豈獨詩哉况與時林掇不
欲隨人俯仰懷奇負義恹慨濁
世凡有磊砢壹鬱無聊不平必

以詩發之觸物造懷無非自得
世之談詩者爭相傳誦詠柳一
絕自是詞人憂世之語而流入
宮中竟以是死天乎天乎孰使
之然嗚呼一汝章之詩也而遇
其時則廢嘉而寵之不遇時則

石洲集序
構罪而殺之此係斯文之盛衰
邦運之興廢則斯集之約亦可
謂有關於世道也遂掩涕而書
為石洲集序
崇禎壬申孟春月沙李廷龜聖
徵甫

石洲集卷之一

五言古詩

四懷詩并序

余性踈誕不宜於世頗為禮法之士所
絀所與忘形不相疑者獨有四人焉世
亂相失存沒不可知言念曩日交遊之
盛落莫如夢中事感時懷舊作五言詩
四篇凡千有七百五十言命曰四懷以
擬工部八哀云

昔在漢京時年少尚豪毅涉世昧樞機論詩誇



斐亶苟匪子同病知音復能幾君才北溟羽失
勢困量罽鎔鄒閉塵匣空有斗間氣我時坐閑
冷頭角縮如蝟孤懷靡所託蠅附得驥尾聚螢
實分光敢蔗還共味文章恣馳騁雕琢愁肝胃
春城花爛熳夏院葉蔽蒂微霜墮高梧凍雪埋
衆卉泛湖波漭沆登山石礪硯傑閣俯南山朝
隋者蒼蔚詩罷試新茶蠓眼聞百沸論事寃輓
輒命物羅品彙閑尋北郭生高揖南昌尉竒談
騁雕龍妙道况履稀百恠聚玄審下覩焉足畏
蛟鱓壯角牙手攬如刺蜚世情忌殊異人心不

可謂瑾瑜比較潔嚙啗多讒誹魯酒解旁圍楚
璧能成腓不用亦何傷固窮君勿諱秋蘭可以
佩畫錦寧復衣相期越世網漁釣老葭葦生逢
聖明君欲去還歎歎國家二百年廊廟密經緯
群賢協謀猷四海馳光煒陸湄而水慄玄黃爭
寶篚豺狼忽改慮毒螫肆蛇虺妖星照玉除翠
蓋違丹宸平生十三篇願敵王所愾長策歟差
池壯志懷憤悱遠身落南鄉明月幾回朏山河
慘滿目風景泣周顛諸葛欲扶漢嗣宗不忘魏
夜夢呌天閻五雲深鬢鬢覺來如昨日旅枕獨

自晞高陽舊酒徒半作殊方鬼念君亦栖栖如
今安穩未相思費晷景雲樹渺江渭天津十年
容想見衣冠偉舉世一溷濁不辨珉與瑋孤忠
皎如日貪佞蝕之既分甘一瓢樂安用五鼎貴
依心逐時利只使精神費不如抱遺經瑟僞追
有斐願子採吾言慎莫棄葑菲詩成無使將聊
可以自慰

右懷德水子 李君安訥

太一杳旭卉山河初兆朕網緼播群物神秀子
獨稟聲華動湖海符彩技流品丹穴弄瑞羽綠

耳生赤瀋膏次九雲夢稽天浮大浸妙道發開
捷世俗安敢闖我心如廢井茅塞不堪沁賴子
劘荒棘温蠖忽已滲逸翮羨綦繆跛足愧蹕蹠
秋咏小山桂春開清夜飲雅論憂華鯨清詩剪
宮錦高人少町疇薄俗多譏諧懷寶故迷邦價
重難沽貨明珠鬻沙礫嘉菊沒葵荏齟齬子已
齧韜舌我亦矜誓將決焉去結屋桑麻蔭所要
在甌石不用崇倉廩聖朝尚文治金革久不社
調鼎忽違和烹鮮俄失飪秦開破天險漢苑羅
氛侵風塵蔽寰宇警蹕離丹禁蓬蒿愍閭巷灰

爐悲陵寢蒼生輟錢鏄紅女罷蚕絲喪亂何代
無比古今更甚平生斬郅劔意氣空凜凜蹉跎
二湖間旅泊長懷懍思君不可見幽抱向誰論
山川鬱回互消息難令鳩寄食一家村忽忽坐
昏窳診夢感櫟社尋僧解謠識狂走屢盼盼孤
懷恒怲怲處約昔未慣涉世今差審詩情餘舊
習瘦盡東陽沈窮餓士之常非開降大任昨夜
夢仙山曉鶯塵容枕未遂丹竈約一別經三稔
願為雙白鶴天外叫相喑世人醉榮利有如鳩
食菴齷齪不足道棄置吾將噤徒倚步前簷瞑

雲寒淄淄

右懷王方老人

洪君春壽

孔孟去我久大道日以闡六籍既灰燼舉世
玄窳區區紫陽翁綴緝費鉛槧難齊天下口易
牙徒能喊至今千載下聖路多坎壈吾子發幽
憤進道無不敢妙理洞鴻蒙高懷謝黠黠金仙
尚空寂老氏貴恬憺下至百家術乃以一手攬
曰余昧前訓小技忤鑄鑿寤寐想風采事類嗜
昌歎相逢塵土間論議令人感語我太極先真
味本來淡器小易至盈事重難容擔義苑得切

砥文堂事點勘雪峯凍魏我春湖漲泛盪夏院
綠簣管秋池紅函蓄詩酒動相隨脫略傾肝膽
妖星一彗孛烽燧秦川黥脫身豺虎窟共繫江
都纜重携十年手相視各悽慘撫劍慨時事淚
落不可掩旅窓十日話端如嘗椒攬歡喜詎幾
何離裾又一摻把酒水上亭戀戀不忍寔孤帆
忽南下極目唯江炎別離已經歲天柱尚頌撼
顧我襍穢人分甘藜不糝念子抱竒器何帛亦
顧頷淳風死不回世教一幽暗服艾棄蘭茝惡
朱喜緋紺天運固如此志士空多憾悄悄坐窮

愁對案不能取客堂感流景缺月頗窺瞰每懷
少年遊想見兩髦髡人生實可憐百世亦云暫
夫唯道德鄉萬古無增減至人不礙滯逝止在
流坎願言各努力勿為利所啗作詩聊自警憂
來時一覽

右懷宋天翁 宋君者

昔與子同遊息義日彌重心肝瑩相照襟抱豁
無壅受性我實頑向道子則勇雅懷皎璧月高
標拔山豕閑行杖相聯醉眠衾共擁林園弄曉
禽池館嗟秋荼江春花豔豔寺夜鼓洵洵賦罷

石川集卷之一
五
手幾又詩成肩尚聳湖山八牢籠宇宙歸錯綜
筆力騁瓢詆簡編刪闡罅瑰意世方驚逸韻人
皆竦往往話社稷淚迸若泉湧重雲欺白日讒
佞各矜寵世事日垢玩時態多煩冗海寇忽憑
陵黎元盡肱腫烟塵犯畿甸兵甲滿臯鞮戰瓦
落采鷁賊焰燒欒拱防胡挫漢威幸蜀躡唐踵
平生報國心愁緒類抽蛹與子叫天閻性命輕
一甌蹉跎各星散晤語誰與共逃山愁榮學走
海樹洶溶懷憤背成癭蹈險足生虺幸甬脫碣
陰快若解桔萃鄉路幾西悲君恩長北拱卧病

滯江海歸夢泣秦隴子惠萬里書披讀無忻悚
又得七字詩光彩耀珪珙依依想平昔愛玩手
長捧輾轉落南州旅宿魂猶恂子兮忽來過眉
宇喜重奉燈火照夜語新詩相為誦鷄鳴戒徒
御曉氣作寒霧別離幾日月盜賊尚恣縱郡國
日以病軍須絕漢甬瘦菑苟懷策迫此懼將恐
知音限流寓札翰阻歛縫長懷京洛間意氣相
追從戰詩日角逐有似鄒魯關只今無闔心惰
氣鼓不踊惟當棄鉛槧南畝理荒茸出租奉公
上謹身守丘冢君者榮利場擾擾求斷壘俗途

有千歧高駕苦易受處身木鴈間誰知無所用
此志恐不固為詩斯自訟

右懷六友堂 具君容

感懷三首

今日忽不樂杖策登北林雪消遠山淨日落浮
雲陰蕭蕭兼薄間磔磔喧衆禽衆禽各有侶客
子方獨吟美人在天端悵望傷我心巾車欲有
往道路多峘嶮竭來理舟楫滄海闊且深坐看
高飛鴻淅下沾衣襟夜歸寒檐卧夢行湘水潯
臨水吊楚魂碧水空沉沉回首叫虞舜但見雲

外岑古有遠別離此恨寧獨今去去勿復念芳
樽聊自斟

黃雀何翩翩寄巢枯葦枝江天喟然風葦折巢
仍歎巢破不足惜卵破良可悲雄雌飛且鳴日
夕無所依君看彼黃雀物理可推結巢豈不
固所託非其宜
種蘭盈九畹雨露日芳菲坐冀枝葉茂庶用充
佩褱嚴霜昨夜下百草倏已腓杉篁尚不免况
乃蕙茝微仰視日光有淚霑我衣豈徒感時
節君子有所思

夜坐醉甚走筆成章三首

我本無心人願得無言友同遊無有鄉共醉無
味酒有無不是無無無更何有為問無是公如
此是無否

昔余夢為鳥飛入白雲鄉又嘗夢為魚激刺游
滄浪方其得意也矍矍且洋洋俄然形忽開此
身尚在床物理有合散變化固難常孰辨真與
夢孰分蝶與莊古來世間事幾度炊黃粱悠悠
倚山閣天地正斜陽

幽居所居屋繞屋多古木有鳥半夜鳴聲如小

兒哭其名曰訓狐鳴則主人厄主人語訓狐爾
聲雖甚毒舉世皆爾曹不祥爾豈獨呢訾弄巧
舌賜朕張奸目對面設機阱陷人動不測以爾
比世人焉知不為福

述懷

朝日自何來夕日向何去一朝復一夕白髮遽
如許少年志氣壯長嘯望伊呂方圓豈相謀與
世實鉏鋤始也多毀譽終焉寡傳侶况逢干戈
際漂泊忍羈旅溝壑幸而免疾病固其所皎皎
平生心壹鬱誰與語手掇秋菊英願貽高丘女

佳期末易得歲暮徒延佇

切切何切切

切切何切切有婦當道哭問婦何哭為夫婿遠
行後謂言即顧反三載絕消息一女未離乳賤
妾無筋力高堂有舅姑何以備饘粥拾穗野田
中歲暮衣裳薄北風吹郊墟寒日慘將夕獨歸
茅簷底哀怨豈終極

貧

人無置錐地而我本無錐物量有定分盜誇非
所期蓬蒿原憲宅霖雨子桑詩去者雖已遠清

風猶可追

獨酌有詩三首

春雨細如霧好花開蒲枝忽忽感時物濁酒聊
自私竟日卧南榮舉目多好詩人生貴適意局
束欲何為寄語同心子莫孤林下期百年任醒
醉人知我是誰
少也待佳節長恨日月遲及壯念衰老坐歎年
光馳努力愛紅顏莫忘歡樂時眼前不自覺後
來徒自悲孰云貴賤殊貴賤皆若斯但願百年
內有酒勤相持

昨日盡日風今日盡日雨天道豈無意陰晴自有
有數幽人念時節擁褐開北戶曖曖近村烟蒼
蒼遠湖樹所懷不在此閑情向誰吐幸有一樽
酒可以慰遲暮書詩記朝夕不是要佳句

題邊秀才慶南華經後

道本無始終物豈有生死適來適去間何者主
張是鼠肝即鼠肝虫臂即虫臂何為何不為待
彼而已矣

贈林子定愷

我愛林子定其人王佐才奇韜握龍虎俊辯騰

風雷鬱鬱抱奇器功名安在哉鳴琴咽流水古
劍生秋苔我亦落拓者半世趨風埃欲陳濟時
策天門何崔嵬茫然撫疇昔壯志中道摧托迹
屠市中燕歌空自哀三花若未落與子歸去來
雙騎紫鱗去浩蕩遊蓬萊

題沈尚志愷郊居

客自水站來清曉扣門板主人去京華歲暮猶
未返園丁慣看客迎我笑而筦開室掃華簾戒
厨供白飯居然飽我飢不愁前路遠顧謝汝園
丁何以報深懇留詩廳壁間要掛主人眼

具公受容將赴任金化在書求詩
我衰益踈詆蹭蹬不自悔陸沉古都市歲暮欲
何待朋知日星散坐歎光陰改忽在竹樹書價
重珠百琲竹樹天下士舉世仰符彩平生古錦
囊可以括四海十書命未通去作山澗宰邑居
倚名山萬峯碧蟲窺遙知謝薄領峻陟窮爽塏
自笑落塵土謾受群兒詒行當拾瑤草宿昔佳
期在道路阻且長江水流浼浼離懷不可瀉悵
望愁更倍題此寄行軒拙語無足採

秋懷戲效李白

白露下蕪葭水國知新秋天虛遠山淨地迫寒
江流羨人隔南浦日夕令人愁相思屬涼夜片
月生西樓

食蝦蟇

蝦蟇本有尾一名是丁子南公號為蛤初不校
同異凡物各有區陸者不能水去來唯所便嗟
汝獨何智在淵或在田欲學神龍事自古當鼎
寶熊掌未足比孟軻豈欺我天下口相似清晨
課隸人罩釣水草裏居然得鳥歸狼籍駭人視
膳夫備宰醎魚炙隨所指下箸初可猜下咽終

可喜觀者恠吾饒掩口爭唾鄙人誰不飲食知
味蓋鮮矣丁寧謝詩人莫賦河之鯉

秋日把酒感而賦詩

手掇秋菊英寒香盈我襟槽床夜來注洗觥聊
自斟輕雲掩清旭古井生微陰此時無與語春
馬懷所欽佳期歲云暮閉門黃葉深

古意八首

隴鳥何翩翩東來入紫宮君王顧之笑貯以金
絲籠宵眠曲檻靜晝啄香稻豐紅紫語朝日綠
羽搖春風一朝栢梁火委質灰燼中人皆羨其

始我獨悲其終豈若故山侶孤鳴松桂叢

有客別東魯求名入長安長安多甲第歌舞青
雲端衣冠散廣陌劍佩聲珊珊忽見車騎來白
日輝金鞍認是平生親欲進仍盤桓願一道姓
名氣象不可干日暮歸邸舍撫枕涕洟瀾傳語
後來人此路誠獨難

少年喜遠游按劍出西塞道傍雙古塚纍々正
相對云是孤竹子蕪沒向千載慷慨為悲吒沉
慟傷五內盤桓不忍去白日慘將晦商周今已
遠是非竟何在

幽蘭生都房秀色一何嫩雨露日夜滋枝葉忽
盈碗窈恐鷓鴣鳴青歲坐成晚今人不知佩古
人亦已遠天運苟如此持此欲誰怨
鳳皇生丹穴一舉橫九州朝辭閭風岑夕飲滄
海流文王久已沒何當一來遊嗟彼籓籬雀啾
啾安所求
行出郭北門日暮游江皋凝霜被百草烈風聲
怒號原野何蕭條極目唯蓬蒿豈無同來人莫
知我心勞所思在萬里茫茫隔風濤孤鴈西南
翔哀鳴求其曹見此長嘆息淚下沾寒袍

嚶嚶谷中禽芊芊江上草皎皎深閨女採桑城
南道行者為躑躅共言顏色好蹇脩沒已久佳
期苦不早終然守幽獨歎息年光老
夕日何暉暉照我秋園葵秋葵共夕日能復幾
多時忽有回風發浮雲來翳之恩光中道隔對
此令人悲

行路難

吳歛且勿叫蜀絃且勿彈四座各傾耳聽我行
路難何處路最難最難在長安長安大道傍甲
第遙相望借問誰所居許史與金張軒車溢閭

石川集卷之一
卷三
巷絲竹鳴中堂手握造化開天地隨低昂或
吐春華怒或飛秋霜一言不相入瞬息成禍殃
嗟爾遠方士營營欲何求歸去復歸去桂樹山
之幽

曉踰車嶺

人生無賢愚為口長營營處世豈免俗也復勞
此行中宵發古館策馬西南征地傾崖石大天
寒沙水清凌晨越車嶺左右山嶂礫松風何喧
喧惟鳥時一鳴斜月隱奔峭鬼火林間明我僕
泣且僵我馬行復驚險艱不可道斯路何時平

長歌苦寒行古人同此情

記夢

夜歇舊院村鷄鳴逐群動荒林十里陂馳褐冒
寒霧頹頹據鞍睡歷歷還家夢斑衣上北堂侍
立雙手拱山妻語音好春蠶方浮瓮小女始扶
床姪妣極可弄中堂鋪綺席棗羅伯仲雕觴
湛琥珀盡燭生蠅螬簪纓雜諧笑粉戴多迅衆
孰知一餉間喜事紛總總耳邊溪水急逸響風
吹送形開境忽移行色方倥惚浮生百年內生
死等蠖蟻覺夢豈兩般悲歡本一種不能自解

脫更覺塵緣重攬轡三歎息林端初日湧

夢具容

百川日東流逝者何時還堂堂具公子零落歸
丘山昨夜來入夢彷彿平生顏戒我慎處世處
世良獨艱苟能適其適死生同一般轉輾忽不
見起坐淚潺潺奈何失知己白首留人間

遊城東次使相韻

使相即月沙李公廷龜

我生遭飄蕩十年別鄉國苦被世務迫又作西
州客西州形勝地川原紛駭矚地僻衆山秀天
寒萬壑縮平生延賞心遇景輒難抑日昨到龍

灣城府開清旭粉堞連雲烟青樓夾街陌人言
城北陲有淵深莫測玉鏡不受塵清輝蕩高壁
餘波瀉千里浩浩窮遠目枯松與怪石顛倒蒼
崖側華夏此為界控引雄施軸巖楓九秋赤汀
草三春綠光景逐時新照映馮夷宅有時龍用
壯白日飛霹靂陰姦所含蓄俯瞰彌悚惕神物
豈敢侮靈源何可塞當年有異事鐵鎖留古跡
伊余坐賓館自傷遊絕域偶此忝陪賞初筵動
斝革江鱸白雪高山看絳實拚覽物胆空勞吊
古腕屢扼韋今時運泰正值兵火熄即事但酣

歌金戈何用拓日八邊月生竒興殊未極逢場
却盡歡豈道鄉闈隔佳人金縷衣裊裊隨長笛
亂後得此遊人間有今夕所恨江水凍錦帆不
可劃醉來駟雪馬忽若的盧躍歸路擁火城橫
鞭意自得公詩清照眼有如江漢濯隋珠何以
報拙語同燕石

次韻題正上人詩軸

何所聞而來何所見而去去來唯適意起忽絕
儔侶我有心中疑願下一轉語此道具本末進
德要循序奈何黃面老云有頓悟處上人默不

言臨別更問汝

送李子敏諱安出守端川

春陰逗餘寒關路正風雪奈何君遠行重嶺不
可越君才合侍從小邑非所屑豈伊厭承明聊
復為親屈國家新法亂一作聖朝憂虞方未畢
黎元困征賦愁痛未忍說官吏恤供給割剝到
膏血向來百家村所存無十室慎勿踵前跡務
在蘇疲蓄用刑戒酷吏推恕法先哲行令凋瘵
民再見昇平日從此藹聲績卿相可俯掇伊余
性放誕與世實踈濶閉戶風塵中十日不一出

沉憂恒鬱之况此與君別尊酒慰行役勞歌頗
愁絕願言各努力無使音塵闕

憶舊遊五百字奉寄開城留守許令公潛
憶歲在攝提翰墨遊開西關西形勝地觸處多
山溪恨為王事拘不得窮遊娛居然脫羈繫決
若驚飛鳧人言松壤國乃是神仙區况聞太守
賢風流天下無回輶駕言邁山路多崎嶇途殫
得異境况八壺公壺君侯喜得我顏色頗敷腴
號呼促管絃接袂登華筵紅樓枕綠水敞豁當
中天娟娟神女峯列侍尊壘前是時朱夏初景

氣何澄鮮江流正浩蕩江草方芊緜迥然諧宿
心似脫區中緣豔姬眸射戟羅袖輕翩翩妖歌
激盡梁亂舞落金細高譚雜嘲笑醉態狂且顛
舉酒酌東明事往今千年日八設庭燎華燭長
如掾峯頭擲火戲至樂寧有此夜闌清讌終逸
興殊未已平明登絲舟扣棹浮中流魚龍避盡
鷓鴣鼓驚沙鷗箕踞露吾髮嘯傲凌滄洲結纜
蒼壁根步躡高唐雲襄王去不返異跡空傳聞
平生好奇恠頗覺斯遊最人事不如意三宿乃
旋旆山川忽已隔悵望知何奈我於去歲秋匹

石湖真卷之一
馬趨西州公時尹古京邀我城南樓聯鑣紫霞
洞水石清而幽不謂道途間更續巫山遊別來
幾多時歲月秣馬馳中間一再見綴綴意益彌
公林實間世早抱青雲姿清風振濁俗國耳忘
其私引士必名勝布惠先惇廢顧惟襍穢者失
路迷所之豈無濟時策耿耿空自竒嗜酒益踈
誕舉動人共嗤髮白走塵土未暇營一炊泥塗
垂拂拭感荷君子知許與眉宇間一諾山可移
離合故多端并沉那得期唯餘方寸心金石無
磷緇索居殊壹鬱舊遊徒夢思西風掃炎溽秋

氣生礪谷幾時陪杖屨天磨看飛瀑

雨中隣翁惠酒醉中信筆為詩

亭午鳥聲歇急雨鳴屋椽空齋盡日睡草樹生
微涼家貧烟火絕嘯歌如子桑西隣頗解事送
酒澆飢腸向來惜人情況此安敢忘一酌十回
謝百回情未央居然不復謝去八無何鄉

酒後示諸生

我聞群聖人相傳唯此心所貴守本性不為外
物侵窮持顏巷瓢達作商家霖行身依典禮可
托君子林其餘反是者未免為昏淫老夫早向

道古言以自箴中間遂放倒兀兀仍至今舉世
不我容白首甘陸沉豈意諸少年負笈來相尋
願言各努力惜此分寸陰立志要堅固窮理要
精深人生不再壯歲月驅駸駸勿以我為妄聽
我醉中吟

病後步西園有懷

偶嬰漳水疾鬱之度晨昏今朝試脚力杖策登
西園春光欲淡沲日色和且溫暮地芳草積滿
林幽鳥喧觸物已生感好懷寧復論蜘蛛網詩
篋塵土生酒尊平生放浪意消落無餘存因思

淚水上古勝事繁青山麟馬窟明月大洞門

歷之舊遊地悠之勞夢魂惜哉不得往泯默更

何言時以製述官有西行之命而病不能赴致及之

送金進士轅南歸星州并引

余識金君志遠近十年始見於處士成
氏之居成氏之甥曰趙君士安者亦佳
士與君情好甚密有若天倫焉一日君
出畫卷曰群山二友圖蓋二友者君與
士安也群山者二君始會之地也畫則
趙君手筆而二君俱有題序且命余為

一言余竊歎朋友道滅絕久矣乃特見
於今而又在於吾所從遊者雖未能參
人盡中得掛名於其後亦幸矣乃賦長
句詩以附卷尾自是雖或聚或散而率
不過數十百里之間得以時時經過以
馮壹爵曾未幾何而趙君逝矣又未幾
何而君且南歸矣噫士之知己夫豈易
哉古今如許其寥闊而生在一世四海
如許其廣大而生在一國國人如許其
衆且多而獨吾與二三子者一言定交

莫逆於心則其風期宿緣似非偶然而
或不幸早逝或遠作千里之別使我白
首同歸之約堙沒無成此非人力所到
其如天何哉雖然感舊傷離亦情所不
能已者聊書所懷以贖其行

吾侯不羈士乃是東南義艱開避兵亂輾轉西
海涘為人古心貌文藻蓋餘事飢寒走不暇得
喪無愠喜我亦翫髀人白首屠沽市相逢風塵
中一笑許知己往還八九載浩蕩江湖醉今晨
來告別千里適南紀星山舊田廬雲谷好山水

身持令名歸亦足償素志况人生世間如泛梗
相似縱橫不自覺聚散固其理但憐鹿皮翁未
契得數子心期坐乖張襟抱欲誰倚平生趙士
安零落歸蒿里逝者不可回萬世長已矣子又
決然去後會焉足恃川原莽回互相視各垂淚
臨歧更贈語珍重慎行李如逢北來鴈願寄平
安字

余居閑無事習懶成癖絕朋友過從之樂
因以淵明詩為會心友玄鶴琴為知音友
麴生為忘形友遂題三詩以志之

禮樂歸金刀平陸渾成江斗粟聊爾耳高節不
可降秋花非俗物濁醪盈我缸平生五字句古
意極醇尾吾今百世下夢想拜老龐每到會心
處清風生北窓

右題淵明詩卷

孤桐生龍門直上高十尋下臨不測淵上有哀
鳴禽何年斲天骨製此丘中琴一鼓清入耳再
鼓和人心舉世無鐘期誰知音外音

右題玄鶴琴

世路極險巖吾身安所歸幸有麴秀才風味不

我違平生老瓦盆白首相日依一盃遺萬物寧
復為人鞿聖處不難到酒德能庶幾未覺軒冕
榮豈知蓬葦微至味諒斯在所貴知者稀回語
獨醒人醉鄉無是非

右題麴生

題馴鶴翁詩卷

翩翩羽衣仙乃是青田真朝辭閭風岑夕飲滄
海津別來綠玉樹花發三千春雖然落世網獨
立超風塵此物非俗物非爾誰能馴

齋兒行

齋也鹿之徒膽白故善驚喜山或喜澤同實浪
異名產子豐林中纍々相隨行偶落樵夫手跳
擲何生獐毛骨未及壯不足充烹滷號若嬰
兒殺却豈我情催僮樹短柵飼之茅養牲見人
必僂惶豎耳突眼睛摩挲稍相近漸覺趨和平
終然擾且順傾到喜人聲每遇當飼時昂首先
來迎此物本山野與人不相營由其善畜養習
性若天成况乎人與人元自同胞生夷狄縱異
倫亦可就羈纓小人君子間只隔毫釐爭初豈
與我異遇之當在誠苟能得其權敵讎為弟兄

笑談或失意骨肉生五兵至人齊萬類與物無
所櫻豈學群小熊爭鬪紛硜硜丁寧告同志此
詩君且評且評

次韻趙持世韓以繕工監役官觀刈葦於

鴨島自嘲之作

君侯盛壯時諸少氣欲盡居然屈壯圖但有毛
骨緊膏中萬甲兵聊復試筆陣昨日君家騶掉
翅爭奮迅騰馳凡幾輩造次生悔吝富貴何足
論今古一灰燼何如積薪底白首甘吏隱來詩
語不多味永方覺雋古人豈難到世俗那妨哂

擲地已金聲期君終玉振

附元韻

祇後出鴨島監刈秋已盡蕭蕭盡葦晚烈烈
風霜緊侵晨驅役徒魚貫排行陣利鏃似新
月一揮驚電迅斬伐並蘭蘅蒿荻何曾吝平
原忽已赭大澤無餘燼鳴鷺失舊柳狐兔不
復隱斯頑積如山課功若得雋事業止於斯
功名聊自哂安得芟群小致令 王靈振

奉贈灘隱

即宗室石陽正
墨竹妙絕一世

翩翩佳公子標致迥絕代超然厭濁世遐舉謝

流輩膏中千畝竹歲寒常不改平生三昧手自
有能事在融心造化窟用意烟霞外方將下筆
時神與境俱會須臾風動壁爽氣欲生籟向來
文湖州更覺才力退不惜傳世人但恐泣真宰
遺我以醉墨行李頗生彩他年開展處眉宇宛
相對勉率留詩章拙語無足採

次山人處英詩韻

有物絕名相所以能物物心如寒江水印得空
界月一自混沌死萬法從此別諸佛亦微塵群
經皆妄說何人強解事作此淡生活

雜詩

巨海浸坤維浩浩揚風濤橫着無際涯仰視星
斗高徒言九州大宇宙一毫毛何處覓三山誰
人釣六鼈王母老赤脚妄說千年桃但見百川
水日夜流滔滔寄語精衛鳥銜石無徒勞無徒一作徒

挽歌為金自謙作

握珠忽墮地錯莫驚神魂種木園囿中貴者恒
不蕃人生有如此天道寧復論中宵動祖車丹
旄風翻翻親戚執素紼行哭向丘原佳城一以

石川集卷之一
二十四
閉厚夜何由瞰今古共一轍已矣知何言

送李錦山子敏之任

君侯神駿姿如馬脫重銜雙瞳清照人寶鏡新
開函肖中千卷書藻思不可緘氣酣恣揮洒筆
勢爭風帆雄詞肆滂沛苦語工鑄劍和璧脫玷
翳楚俗多謗讒窳窳廊庙器誰辨王與城一麾
三出守大惠歛莫咸終始執苦節亦足勵貪饒
辛勤備滄漣奉養出至誠平生報國心上有神
明監鄙夫早識面蒲蘇倚松栢才名雖不逮氣
味同酸鹹江湖極遊行諧笑相誦誦開尊愛灑

灑捧盃憐穢穢結交三十載心地鉅誓啗白頭
邗此別有淚霑我衽西風振槁葉曉氣成寒露
睠然懷徃路雲山鬱嶮之行矣樹佳攸使君元
不允

任寬甫 鏤挽詞

我國於為詩好尚唯蘇黃中間崔白輩稍之歸
盛唐雖然喜清麗古氣頗凋傷君侯大雅姿錦
繡為心腸平生三百篇逸韻何鏗鏘不入陶謝
室要升蘇李堂才名四十年與世終乖張文窮
自古然貪病乃其常嚴霜一夜下蘭蕙委微芳

傷心懸磬室門逕已荒涼弱吟蒙許與藝苑叅
翱翔將老失知己我涕流滂滂清談與雅量已
矣今則亡唯應擬古作萬古江河長

記異效白樂天

十一月將晦時夜二更後天地色黯慘江河聲
怒吼雨師挾風伯鞭策群龍走陰陽失其度恠
事無不有為問百歲翁曾識冬雷否

有木不知名效白樂天

有木不知名三株互蟠結地高偏受露陰重巧
遮日群蟻喜心空衆鳥欣葉密蕪為魍魎宅百

恠中夜發有人不量力持斧擬剪伐為近社壇
下欲進還股慄一朝霰雪繁天道有肅殺豈若
澗底松千載自蕭瑟

新春病不能飲慨然有作

平生喜飲酒一石嫌未痛居然喫不得造物真
好弄祗恨身早衰敢言心不動任情得新懶求
道喪前勇行年四十四閱世夢中夢

石洲集卷之二

七言古詩

驅車兒倪時

驅車兒三四十猶總角有廬不居田不耕年
年伐木在山谷借問伐木何所用長安城中起
樓閣樓閣連雲山木盡官家催促無虛日城南
昨夜飛雨滑陌上春泥深沒膝竟日十步五步
間牛飢無草兒不食兒不食尚可牛飢恐失足
驅車兒兒有辭傍人問之亦悽惻兒驅牛牛駕
車牛蹄跂跂車轆轆轆轆跂跂十餘歲兒身無

子牛無犢一朝牛斃兒亦死官家何處施鞭扑
願將此意叫天閻及時下令除苦役兒但與牛
相對眠日長村巷桑麻綠

秋懷側體

柴荆寂寞無人跡中酒多年與世隔諸葛休誇
管樂儔荆公正笑春秋學牀虫唧唧語深秋籬
藁盈盈歛寒夕獨背孤燈枕手眠雲山入夢參
差碧

觀燈行示友人

須彌之山梵率天四口八日生金仙心心相印

比傳燈流入東華知幾年漢陽豪富天下雄張
燈設戲傳遺風紛紛甲第闔奢華羅幃繡幕連
青空金樽酒重花滿烟紗籠銀燭光玲瓏五鳳
毳毼九龍騰十里金碧輝觚稜是日金吾不禁
夜笙歌滿路香烟凝青樓處處掩珠箔分曹作
隊多豪客繁華幾時人事改滿目干戈日月晦
九重城闕忽丘墟疇昔同遊幾人在他鄉作客
伴孤燈歸夢遙遙越雲海閉門飢卧動經旬不
覺明朝是佳節速宜相就飲一斗人世悲歡不
堪說男兒百年貴得意何用傷心催白髮玉虫

金粟亦無賴夜來應有花間月

遊摩尼山用觀燈行韻

摩尼山高高挿天上有瑤臺遊羽仙溪花笑日
知幾重澗松閱世皆千年危峯拔地氣勢雄絕
頂四月多寒風西南軒豁眼力窮碧海萬里涵
青空玉京去此不盈尺想聞仙佩鳴玲瓏琳宮
駕虛鐵鳳騰萬壑嵐翠連觚觥晚歸蒲團聞妙
香客塵滅盡神魂凝山光雲影繞箱箔數聲啼
鳥留歸客向來人事易變改浮世光陰幾明晦
昨日飛綏拖王者今日曾無一人在萬古消沉

忽忽間吾生一粟浮滄海方丈聞名徒恍惚玄
圃尋河費時節不如卜宅近前峯依止老宿求
法說出門一笑歸路遙水樹微茫綠如髮夜來
陳迹已空虛茅簷祇對山中月

贈李明應用前韻

李白騎鯨飛上天芙蓉城裏追群仙醉翻王母
九霞觴再謫人間三十年多生習氣尚豪雄歷
落頗有前身風向來能事未全消清詩健賦聲
磨空比年學劍干伯玉腰間璵璠瑋玲瓏風塵
蹭蹬失騫騰白羽在篋還生餒即今飄泊江海

石州集卷之三
三
間相逢一破窮愁擬自歎貧賤事織箔屠市夷
門曾結客狂圖未該鬢先改大醉長歌自韜晦
有時彈缺氣如虹知音賴有夫君在既不能揚
鞭走馬出橫門腋挾燕山超北海又不能上章
請斬佞臣頭折檻天庭立竒節破窓燈火坐閑
散鬱鬱幽懷向誰說飲君樽酒為君歌莫論世
事多如髮各將藤杖待秋風去踏萬二千峯月

天何蒼蒼醉中走筆

天何蒼々地何茫々山岳何萃々江海何洋洋
堯舜何巍々孔孟何遑々盜跖何以壽顏淵何

以殤寧子何為愚箕子何為狂萬物盡如此此
理誰能詳君不見楚國群陰蔽明月屈原懷石
沉江湘又不見漢廷諸公惡年少賈誼去傅長
沙王鳳翔千仞竟焉往蕙樹百畝空餘芳有才
不必用有德不必彰李斯八閹秦乃帝孔明出
廬漢終亡世間成敗本如此力耶命耶誰主張
鄰生舌下七十城不免身作鼎中烹淮陰戰勝
攻必取不免身死女兒手智巧不可恃從古有
如此為問白日金殿上何似清風北窓裏况復
長安大道多險巖前有太行山後有巫峽水魍

石州集卷之二
四
颯嘯林蛇出竇熊羆西吃虎東踞水鏡俟人影
天蝼錄人語鬚量星兩肩矰雖骨雙脚寄立尺
寸地進退俱不得人生莫向此間行富貴向來
生五兵所以江東張季鷹但愛一杯酒不願千
載名去子驕氣與多欲不用多言與多力驕則
不自保欲則不知止言終裂蘇秦力不救任鄙
莫愛采石江上月莫愛灞陵橋上雪塞驢覓句
只冷淡長鯨登天終恍惚不如樹檮無何鄉游
居寢卧于其傍六合為室萬物為糧星辰為佩
雲月為裳塞兌閉門與道翱翔下跣黃泉上登

太皇男兒到此即是大休歇何用在世長豎孽

詩酒歌

杜子耽佳句岑生嗜醇酎而我何如者愛詩兼
愛酒舉世盡趑趄二老可尚友人生快意貴目
前何用浮名萬歲後我筆不去手我盃不離口
岑生在吾左杜子在吾右一生如此又如此詩
凡幾首酒幾斗不管人間寒暑換不問天上日
月走不是堯與舜不非桀與紂不悲貧賤夫不
喜富貴壽或登山臨水或訪花隨柳有興輒醉
醉即吟萬物於我知何有

飛光戲贈友人

飛光飛光爾行誰所迫朝出東冥暮西極昨日
今日又明日如此如此不得息人生世間駒過
隙少年一失難再得不知身後名何似眼前樂
請呼精衛啣木石填四海之波化平陸駕神農
以耕召后稷播百穀千歲為春禾始生千歲為
秋禾乃熟九州之鐵鑄大鑊獲而積之高於崑
崙碣石釀作無限酒元氣以為麴一飲九九八
十一萬斛醉卧鴻濛之野溟滓之域大兒赤精
子小兒衛叔卿令湘娥鼓瑟命子晉吹笙下視

無懷几蘧苒雌蜺其餘堯舜禹湯文武周孔瑣
瑣不足程時乘紫雲車容與出八紘手撼若木
枝花葉紛而零要令天下人拾以食之皆長生
狂吟志在此無乃太勃落既觀百年友是不是
歌一曲

醉吟

三尺太阿劍百年梁甫吟逢迎多白眼遊說少
黃金風塵萬事一揮淚誰識男兒方寸心

拙烏問答

問拙烏秦塞楚山無限樹何處不堪拙却向遠

客窓前秋夜月飛來飛去伴人啼
栖烏答去年失雛仍失雌
在野空見虞羅羈豈知窓裏愁人
泣只愛窓前好樹枝

走筆謝申質夫樸惠鷄

君家物色似尸鄉赤憤喧呼滿阡陌
去年從君得孤雄熟視方知不是木
至今茆簷風雨曉憂罷隔窓聞啜啜
豈但與擲事父母更以利善分
舜跖昨日又惠一隻雌定知獨陽難
化育人言此物合養老况乃天生備
五德從今飽喫錦帶羹飮餌肯復
供藜藿不許小奴縛向市恨無稚

子催成冊翰林得鵬報以詩右軍換鷄
曾費墨故用再拜謝君嘉題此寄去君
應噉

詠畫為宋子深淵作六首

孤舟夜泊依古岸翠壁十丈垂雲蘿
清尊獨酌無與語舉首向月彈琵琶
曲終絃絕萬籟空寒江湛湛生微波

道人古貌清且奇百年流宅何迢忽
橫吹銅笛學龍吟獨占烟波無限月
天風捲入碧空去江上蒼崖十字裂

屋下清江屋上山酒旗半出平林間
江邊老人

百不憂青翁綠叢隨分閑平生不識城市路往
來只在蘆花灣

老木槎牙臨古道清陰滿地生涼颺騎驢客入
小橋去行色但有琴相隨傍人祇道肩聳山豈
知舉目皆新詩

山風一夜吹飛雪苦竹蕭蕭凍欲折溪頭老梅
忽放春冷藥疎枝太孤潔詩翁覓句魂骨爽獨
倚寒查正愁絕

一幅空天數疊山鐵崖挿入秋雲高銀河倒落
天中央下射百里飛湍豪何人岸幘倚長松盡

日山風吹鬢毛

古長安行

長安甲第橫青雲高樓絲管遙相聞漢代丞相
七寶車麟麟夜入金張家瑀盤綺食天厨來宮
中羨女顏如花燭影熒煌清漏遲尊前密語無
人知門巷斜連夾城路平明冠蓋多如霧機開
歛翁令人迷白日鼻息吹虹霓一朝人事忽顛
倒玉臺金館生春草寄語世間夸奪子古來浮
榮不足恃只令人憐賈太傅紛紛絳灌誰比數

春宮詞

香風澹蕩吹綺羅千門碧樹鶯群多珠簾畫下
洞房深美人睡覺傷春心起把金針刺孤鳳翠
鬟欲墜鸞釵重芳華已晚君不來玉階寂寂生
青苔

送胡秀才

慶元

從吳都司南下

吾聞鏡湖水荷花十里傳香風又聞會稽山千
峯影落波濤中淑氣鍾精鬱磅礴其間往往生
英雄賀公已去餘古宅蘭亭高會亦寂寞後來
何者繼千古人道胡生材卓犖胡生年少風骨
殊意氣昂昂出塵鶴上有爺孃下有弟孝悌出

天無失禮力貧不足供矜羞去家千里來遠遊
樓船將軍是知己引為幕客資良籌大帆如雲
略扶桑百年壯觀超子長去年來住江都城閭
巷小兒知姓名我時陸沉屠市中一日傾蓋如
平生眉宇之間得心事朱絲之直米壺清投我
詩文動哀王建安七子堪動色龍文之鼎可獨
扛筆端自有千鈞力羨君才如不羈馬一生豈
是長貧者自歎短衣不掩脣長夜悲歌牛口下
幸蒙夫子許知音片言出口輕黃金膏中恢踈
無愛憎快辨可破窮愁契客舍開樽對雪峰江

頭走馬觀春燈奇遊忽忽不可再世間離合元
相仍君今南去逐旌麾丈夫所期誰得知方將
跨海斬長鯨肯作屑屑兒女悲斗酒高歌臨大
道離魂黯黯連芳草湖南自古清絕地驛路梅
花今正好煩君折得一枝春遠寄江潭憔悴人
以竹枝報菊花之惠寄車五山輅
故人贈我秋菊英何以報之青竹枝我佩幽芳
當自潔君依勁操終莫移平生相許只如此此
心耿耿誰得知

郊居忽有詩思命婢覓酒詩成而酒不至

三冬被酒遊康莊任教俗子譏清狂榮辱寧論
世翻覆得失但覺心清涼昨者歸來田舍間日
照首若春盤香人生趣舍隨所適且把詩篇慰
朝夕詩成不得一杯酒腹不負吾吾負腹

閩狗行

誰投與狗骨群狗鬪方狠小者必死大者傷有
盜窺窬欲乘釁主人抱膝中夜泣天雨墻壞百
憂集

次韻宋子深長句見示

天公於我賦窮相短不可續如鳧脰倡狂自許

同阮籍歇後從他譏鄭縈三秋讀書深巷中風
雨茅簷坐寒冷濁酒酣眠聊自娛耻向塵埃伍
噲等感君作詩能起我合眼依依夢漁艇來詩有江

海語

燕都行送李子敏

燕都地理雄且壯城闕峩峩九天上南臨五嶺
西葱河四海萬國皆奔波往者揚獠頰猖狂天
子赫怒誅姦彊大開明堂受朝賀諸侯冠蓋遙
相望我王赤心拱北宸妙簡在庭馳使臣一作
我王赤心勤貢獻專對使臣精所選李侯貳之才有餘萬里結束

隨征車薊樹蒼蒼遼塞長漁陽驛路連醫閭去
去追趨丹陛前身與佳氣同周旋男兒墮地要
遠遊李侯此行仍少年我守蓬廬三十霜壯志
索莫頭髮蒼知君定過黃金臺為我一吊燕昭
王

夢中作

九月初四夜夢入一宅池館甚麗杏花
方盛主人置酒索詩

君家羨酒琥珀光杏花撲地春風香問君對此
胡不飲不飲只令人斷腸君不見栢梁銅雀生

荊棘世事回環不可測人生老去寧再少莫惜
千金買一笑

肅川池亭次子敏韻送尹定卿赴京

天涯節序何草草千村揚柳鶯聲老何處開筵
送遠行肅寧古館池閣好世間離合劇茫茫一
尊且復開懷抱酒酣騎馬忽歸去此時此恨誰
知道

次子敏韻寄題滄澤李處士草堂

雨後池塘荷氣涼池邊小閣凝清香道人骨青
仍髓綠偃仰百年閑味熟白葛小巾烏竹杖放

歌一曲林月上我有佳期在早晚命駕不辭千
里遠

記夢

夜夢青童引我去忽到雲霞最深處仙樂風飄
自帝所玉樓十二高八天五色靄靄烟非烟攝
身飛上身飄然金支翠蓋相後先左右環佩羅
群仙余乃長跪玉皇前焚香敬受長生編一讀
可度三千年簷間語燕聲呢喃破窓透雨寒雲
零招魂不復煩巫咸此身兀兀仍世間眼前萬
事頭欲斑幾時長往巢神山

題雲水亭八景帖

曉晴山靄何霏霏如烟非烟無定所初看雨氣
帶將來旋覺風光勾引去群峯出沒迷近遠正
似波頭見島嶼何許騷人柱笏看新詩合在微
茫處

右華嶽晴

山橋寂寂行人少一帶平林見歸鳥夕風吹日
欲西沉澗澗寒空餘返照浮嵐曖翠相發揮天
際依微數峯小誰將此景作畫看除是龍眠筆
頭妙

右葛峴殘照

高孤烽櫓臨峭頂候火遠到從金微正將邊警
報青瑣更輸佳致歸荆扉小星昏見欲明滅疎
螢秋盡偏依稀杖藜擡首者誰子意在覓句無
是非

高孤烽櫓一作烟臺孫絕

右金陵夕烽

江豚吹浪浪花翻向夕稍稍風力迅龍驤萬斛
何處船掛席差池作鴈陣遠遠依依看似閑終
覺脩程抵一瞬須臾日落帆影盡水氣霏微生
白蜃

右鴨浦歸颿
江頭籬落天色暝烟樹微茫風露冷遙看松火
燦星點乍近乍遠斜復整誰家貧女勤夜績有
底閑人理苓箸別有漁燈歸極浦搖搖波浪光
難定

右江村夜火

屋後青山重復重中有古刹巖雲松閣梨念誦
宵不寐曉起禮佛仍鳴鐘幾隨風引遠搖曳或
被雨翳寒容眷幽人寂寂發深省坐想落月依
西峯

右山寺晨鐘

鴻鴈營營為何事去寒就暖常紛紛幾行飛度
玉關塞數聲斗破秋江雲水濶天長迷所向平
沙落日求其群恐有傷弓流落羽月下哀鳴那
忍聞

右長洲落鴈

平林漠漠連芳草草間遙識金陵道金陵向西
多旅人各牽世務爭追討荷擔營營為底忙冠
蓋翩翩有何好南來北去豈終極無限浮生此
中老

右曠野行人

次韻上使漢江泛舟觀漁

朱太史之藩

江上和風引上客清曉肩輿出南陌笙歌擁路
雜輪蹄兩仙住節臨苔磯濟川亭子名海國乘
興不辭勞遠陟東山絲竹繼謝安赤壁風月追
蘇軾亭前湛湛江水流島嶼出沒連芳洲中天
睇眄殊未已更復移尊登彩舟高談朗詠相許
與座上風標皆舉舉漁人揆拖棹謳發長網橫
江密於組衆鱗鱗跳復立沙岸漸近波濤急
祇為般遊助歡譁豈是婪酣快宵臆徐州秃尾

漢陰鱸取之不復論洪纖馮夷股慄水仙怒鱸
鮪遠遁蛟螭潛酒中樂作仍設鱠此興已覺超
塵界但憐頃刻割素鬢龍門永失風雲會歸舟
日落浪打蓬極目烟樹何重重向來奇事易陳
跡獨留江月當青空

君不見對酒走筆

君不見思庵朴政丞家居冷落如山僧君不見
松江鄭相國百年行已能清直豈但寒餓困一
生復令子孫無地耕環碧堂虛成草萊拜鷓窩
破空蒼苔洛陽車馬何喧喧紆青拖紫皆賢才

石洲集卷之二
十五
爭將毀鄭作階梯誰肯譽朴生禍胎朱門我
臨九衢一夫顧眄千夫趨斲來寶玉山岳崩瀧
出明珠滄海枯雖傳仍雲億萬歲金帛爛用無
時無君不見體素李翰林半世黃卷為書淫君
不見五山車秘書欲將詞賦凌相如文章益富
家益貧仕路狹窄難容身生者飄零趁路傍死
者埋沒隨埃塵男兒行世別有路莫把陳編徒
自苦翰苑清深玉堂高其中學士多英豪花牋
彩筆恣揮洒觀者焉能辨真假人生稱意得如
此班揚燕許為何者為酌一杯勸少年榮悴貴

賤寧在天故知通塞皆自由以彼易此知誰賢
不如是非都兩忘日日醉倒春風前

目前謠

白玉髻鬢黃金鱗小雛作戲翁不嗔翁不嗔尚
可胡為更遣鼇骨填滄津黑風倒吹盪海沸海
鳥退飛仍墜地金明丞相識天意夢登九門身
不危峩峩宮闕天中起風生群口徒紛紛廟議
至密誰得聞但令木貝花似雪不用社樹鬱鬱
連青雲况復冠帶天驕子彗彼小星何足云

叢祠行

朝發板橋院南指駒城縣道傍古叢祠林木何
葱蒨自古相傳叢有神無限路中求福人爭持
紙錢掛枝去回向叢中共神語前途百事和且
吉馬背不瘡蹄不脫手致金帛堆成山到處酒
食開容顏我聽其言潛歎息此豈有靈能禍福
偶然得名真自誣怪事祇足欺昏愚不如剪伐
充柴薪免使篝火鳴妖狐仍栽嘉樹高十尋六
月颯颯生寒陰縱令不合明堂用猶慰炎程暘
死心

高判書敬命改葬挽章

學士早抱青雲姿標格不群才不羈弱冠射策
明光宮聲價一日凌烟虹玉堂詞藻公為宗星
斗燦燦羅心膏末路浮沉聊爾耳軒冕從知倘
來寄却將西掖演綸手閑把林泉無事酒黑龍
之歲月建午島夷賜睽窺東土重江失險兩京
墟王輦遠駐西塞隅謀臣卷舌壯士泣國事已
去誰能扶公時陸沉田野間欬然奮起思捐軀
登壇誓衆天為悲風雲慘悽隨旌旗孤軍抗賊
衆知難為國一死心所安雄圖未騁將星落日
月晦蒙神鬼哭忠魂毅魄埋不得長虹夜射秋

空碧向時騰踏北闕下紛紛冠蓋為何者公侯
將相不可紀獨使書生辦此事男兒循國古來
有父子三忠世無偶昔我爭名翰墨場公掌選
試開東堂雕虫小技何足數片言許可生輝光
百年未酬知己息至今耿耿增惋傷公家三妙
俱象賢擇地再起南陽阡鰲山之南佛臺麓有
岡鬱律臨長川山靈護衛虎豹遁子孫末世宜
千年作詩挽公公不留雪涕仰視蒼蒼天

鐵甕行送張晚節度

君不見鐵甕之城餘萬丈崇墉巨壁天下壯一

夫按劍當要衝千人蟻附不得上橫臨薩水負
太白雄峙西方作保障古來設鎮號寧邊此意
有在寧偶然廟堂成美未易測棄此不守非萬
全似聞老虜頗倔強畜銳伺釁今有年至尊肝
食勞聖躬乃命擇帥群臣中左相清鑑無失舉
遂將虎符歸我公我公頃者領北門號令萬里
如雷風軍中無事但投壺瀚海不波沙漠空歸
來正見笳鼓競坐席未煖還此命男兒墮地重
橫行百年報國心耿耿麒麟錦帶玉轡轡據鞍
叱咤千夫趨鐵騎驕騰旌旆揚春風浩浩吹前

途嬰城效死是餘事日中久已無西胡野人白
頭何所識巷北巷南曾偪側浮生離合固難常
縱欲挽公那可得故作短歌歌出塞悵望關雲
滂霑臆

西河歌

高麗時有西河林椿者工為四六以峭
直見忤於世終身不第人至于今寃之
余友西河任茂叔亦工於四六與林椿
相頡頏屢舉不利今年春始登別試及
第其對策中直斥戚里驕橫 上命削

科論其後因大臣復科

莫唱行路難聽我西河歌西河有直士前後皆
蹉跎浮雲軒冕何足道義名百世應不磨林西
河任西河才高命薄知奈何古來此輩何其多

忠州石效白樂天

忠州羨石如琉璃千人剷出萬牛移為問移石
向何處去作勢家神道碑神道之碑誰所銘筆
力倔強文法奇皆言此公在世日天姿學業超
等夷事君忠且直居家孝且慈門前絕賄賂庫
裏無財資言能為世法行足為人師平生進退

石洲集卷之三
間無一不合宜所以垂顯刻求求無磷緇此語
信不信他人知不知遂令忠州山上石日銷月
鏤今無遺天生頑物幸無口使石有口應有辭

石洲集卷之三

五言律詩

夜坐書懷

世事有如此流光無奈何菊花秋後少虫語夜
深多悄悄月侵牖蕭蕭風振柯關心十年事坐
數撲燈蛾

夢中作

風雨幾年別相思俱白頭蟬鳴江樹暮鴈斷塞
雲秋事往渾疑夢書來只益愁平生多少恨斜
日獨登樓

辛卯冬在兩宜堂讀書夢得具容手
札詩以荅之覺後了然記得未解詩

意癸巳秋予在德水具自閑西枉書
相訊別已二歲矣始覺此詩有驗

舟中作

澤國春多雨孤村浪沒洲重為楮子客却泛廣
陵舟石出回波急花濃側島幽斜陽更奇絕歸
棹故遲留

旅懷

東郡秋將盡西征計又非烟塵關外阻書信峽
中稀古渡寒吹角空林暮掩扉愁時見歸鴈一
背人飛

悼妓

玉骨埋靈鎖金爐罷夕薰柳藏蘼小宅花繞薛
濤墳一夢秦樓月孤魂楚峽雲年年大堤草空
學舞時裙

客懷

絕岸斜陽盡孤城盡角終密雲陰不雨喬木暮
多風世事悠悠裏人生忽忽中向來江海志歸
夢水連空

有歎

兵戈今未定在處問通津地下多新鬼尊前少
故人衰年聊隱几浮世獨沾巾閉戶風塵際寥

寥又一春

江漲

江村三日雨今曉報新晴伏枕曾愁寂鉤簾忽
眼明映空鋪雪色蟠地作雷聲坐見垂綸者悠
悠滄海情

旅宿

兵戈今未定世路幾時平江上三年客天涯十
日程荒村依古木盡角隱空城夜八田家宿悠
悠愧此生

宋通川

壽

將歸懷德農墾求詩甚急次韻

贈之

避地干戈際抽身簿領間眼青逢骨肉頭白夢
湖山筋力猶聞健功名已等閑一樽無事酒隨
處作歡顏

九月九日在務安縣沙湖對酒有作

喪亂看今日淒涼異故園風塵挑竹杖江海菊
花樽古戍遙聞角荒城早閉門兵戈滿天地漂
轉更堪論

用真寺口占示趙善述

續

丁酉暮秋僅脫兵火至用真山逢善述

善述亦自兵火中來執手道舊悲喜倍常

艱難投古寺邂逅是前緣先是善述以書期我于此寺竟不果不謂者今日何由似昔年深秋霜墮寒夜雨鳴泉欲話平生事無端涕淚然

南州留別

漠漠兵塵起茫茫世事非江湖人北去時序鴈南飛驛路多秋草離亭半夕暉相者不悉別流淚各沾衣

自河源向首陽途中驢病留延安村舍時

余新脫湖南之厄氣甚不平

田翁留客宿瓮牖隱疎籬葉墜聞山雨厨喧覺夜炊驢手技祗此人亦病於斯尚有歸心速鷄鳴問路歧

訪神光寺途中作入寺示李德餘

騎驢向山寺落日古城西恠石斜侵延危橋仄渡溪洞深人未到林暝鳥初栖更覺諸天近伽陵逼耳啼

林子定湖亭次鄭秀才韻

年年此邂逅萬事水東流白首傷離合清尊慣

獻酬夜無孤燭盡人與候虫愁別後夢何處青
山江上樓

過坡州有懷牛溪先生

跡屈世爭咲義高誰得知人心入于彼天道至
於斯寂寞溪堂路淒涼山月詩秋風滿眼淚不
獨為吾私牛溪疾革贈故人詩曰相思一見意
悽悽去入無窮萬象虛獨有年年山
月好清光依舊照牛溪

有懷趙持世

趙氏多才子於公見鳳毛詩從倚樓得膽比子
龍豪可惜身名晚休誇志氣高遙憐三畝宅門

巷長秋蒿

次持世韻二首

一室他鄉遠琴書寄海山潮吞平野濶雲傍古
城寒旅寓還多病艱難信少歡何當拂衣去嚴
瀨釣潺湲
避地安吾拙居然不念歸隔籬聞葉墜遵渚見
鴻飛忽忽浮生晚茫茫世道非夜來湖海夢烟
雨蒲蓆衣

江都與韓別坐瓊金判官止尹正字逸邊

秀才禮慶夜酌

避迨連宵話天寒葉擁門白頭俱絕域青眼且
深尊畫角山樓迥寒雲水國昏明朝各漂轉愁
絕更堪論

江都客懷二首

水國陰雲積春來暖尚遙寒川冰罨岸凍樹雪
封條浪跡如秦贅羈魂待楚招今年又留滯歸
興謾迢迢
絕域身多病危魂日九升上春猶積雪殘夜更
寒燈攸爾愁如海徒然酒似澠苦吟仍不寐歸
夢了無憑

夢訪子敏于山居飲酒賦詩余得一聯曰

八門聞水響移席近花叢餘不記曰補

成八句

昨日尋吾友超然一笑同八門聞水響移席近
花叢酒盡依倚裏詩成彷彿中清歡殊未已歸
夢太忽忽

和持世韻

年年湖海約幾度墮空虛夢裏開青眼春來見
素書禁城寒食後微雨杏花初他日理舟楫問
君江上廬

題沈尚志幽居

特地孤村僻綠溪一徑斜柳晴纔弄色蒲暖已
抽芽歸客欲騎馬主人留煮茶不辭鷄黍約唯
恐失挑花

春盡無雨四月初吉有作

早到今年甚春從昨夜歸燕泥難上甯階蘚不
成衣餬口身長因為農計却非片雲無意緒終
日掩清暉

送婁鳴鳳還杭州錢塘縣

水接吳天濶山從越地分雲霞靈隱寺花月湧

金門形勝中原最繁華外國聞平生勞夢想送
甬更消魂

仲夏訪趙君兄弟于龍山之江樓留數日

文酒之樂殆七八年間所未有也將散

趙君兄弟各賦詩識別余忽忽未及和

既歸用韻却寄

聚散元常理逢場偶滯滯山如詩骨聳江與酒
杯深萍水此為別鴻泥何處尋唯餘白頭計耿
耿在中心

初秋夜坐書懷

容子悄無睡空堂秋夜深螢從窓隙入虫在石
間吟世路難如此兵戈動至今居然生白髮寂
寞壯年心

七月十五夜對月有懷李子敏

雲烟看漸散星漢坐來微滿地金波動當空玉
鏡飛虫聲喧夜砌露氣入秋衣憶與同袍子清
尊共此輝

余與姜君太初初無一日之雅余嘗寓居
珍原縣之水流村太初以公事入縣走
書於余曰不見面則不通書非吾輩中

事之既而冒雨來訪留一夜詩酒之樂
甚洽未幾太初被擄于賊莫知存沒者
凡三年今太初自日本回華人之還者
上疏于我主上其疏中有遠托異國
昔人所悲之語余聞而甚悲作詩以見
情焉太初名沆為人聰明彊記為文章
下筆滔滔未嘗起草其兄灑死於非罪
太初祭之以文曰黃梁人世百年草草
青史是非千載昭昭讀此文則其人之
所守可知

未盡新知樂居然怨各天鍾儀雖在晉王燭不
降燕節為着年落書纔賴鴈傳相思千里夢迢
迢海雲邊

旅舍秋夜

短褐常多病深秋更遠征郊扉違宿計詩句占
虛名草白天霜重林明江月生悲吟對櫪馬誰
識此時情

自歎

道屈吾將隱身危事可驚茫茫撫心跡咄咄念
平生豈是才為累還應醉得名向來長往計今

夕更闕情

十二月二十一日夜與客數人飲至曉是

曉立春

濁酒還留客青燈坐及晨山寒猶醞雪禽語已
知春草草干戈事悠悠江海人天邊梅柳樹又
作一番新

十二月二十八日金浦途中口呼時鄭子

羽振鄭聖游洛從

莽蒼愁征路遲回怯問津今年纔二日我輩恰
三人霧罷山如畫江寒雪似銀東風將小雨似

欲報新春

纔作餘
怡作偶

雨中簡林正字子慎

僕

寂寞揚雄宅柴門倚斷坡小園春意早枯水雨
聲多酒興忽如許詩情當若何寄語林正字明
日肯相過

題韓瑩中草堂

山家近寒食風雨作輕寒隱几當花塢釣簾近
藥欄濁醪初出瓮春菜始登枱不識幽居好方
從此日看

清明日有作

淑氣催花信輕黃著柳絲人烟寒食後鳥語晚
晴時老去還多事春來不賦詩京華十年夢惆
悵只心知

幽居即事寄示天翁持世

幽居少塵事晝日掩柴扉寫石苔侵筆攀花露
滴衣興永時獨往意適忽忘歸寄語同心子吾
今已息

春日獨酌有詩二首

水國春將晚韶華處處皆烟林花淡淡晴日鳥
啾啾夕客渾無賴今朝忽有懷一壺聊自適隨

意坐苔階

今日又云暮百年能幾何詩情病後少樂事夢
中多學道蛙聞海謀生鼠飲河無人問幽獨對
酒一高歌

醉後命室人呼韻

睡起仍無事開窓面小園雨餘觀草性林晚聽
禽言倩婦呼詩韻教兒進酒樽牛羊各歸巷吾
亦閉柴門

八山作

落青驢瘦登登一逕危溪聲如昨夢山色可

新詩寺在蟬吟處鐘鳴客到時向來幽興熟不
遣外人知

懿仁王后挽章二首

壺法垂三紀慈仁浹萬民鷄鳴齊女曉鶯轉葛
覃春月御歸滄海風旌別紫宸山陵空鬱鬱厚
夜幾時晨

西塞逡巡日東漢再造年蒼黃坤道正終始毋
儀全廟館方昭化星軒忽上仙孤臣無限淚沾
洒向秋天

山齋十事為成進士輅作

雨罷天如洗山寒月欲生不知全魄露何似半
輪明地白流螢失林踈睡鵲呈今宵道人意添
得十分清

右東岑晴月

望裡郊墟僻寒烟處處同依微連小浦搖曳逐
流風淡白初籠樹輕青忽掩空斜陽更多事照
作一邊紅

右平野暮烟

漠漠連江雨淒淒落木天踈時斜映日密處遠
和烟暮色延愁望寒聲鬧醉眠無端蕭瑟意又

入寂寥篇

右江城秋雨

雪意連空黑寒威向夕凝隨風潛入戶和雨細
侵燈煖酒爐無火哦詩硯有冰多年布衾冷此
夜轉生稜

右山村夜雪

尾器形偏古醇醪號是賢傾銀何乃余拈碧亦
徒然偶發閑中趣回成醉後眠石田秋正熟聊
此慰殘年

右尾樽濁酒

圃小依林麓畦橫近草亭灌時還抱甕鋤處不
拋經韭愛春根白葵憐露葉青摘來供糲飯釘
餽有餘馨

右小圃露蔬

靜室無餘事柴荆晚始開教童洒清水折竹掃
輕埃但喜堦庭淨乍闌車馬來丁寧莫放手恐
破錦紋苔

右童奚掃庭

閑將卷中字試教膝前兒弄舌初猶澁拈毫竟
不疑喜聞鴛語好驚見鴈行竒遠惟陶彭澤空

題責子詩

右癡孫學字

玉字心長念金編手自挈籤懸憐整整秩散任
斜斜滿眼皆仙訣開身是道家從來呂夫子用
此作生涯

右道書堆案

朝來烏鵲喜今夕是何辰在座非新輩連林即
故人劇談遺俗物孤笑發天真更有盈尊酒襟
期轉覺親

右親朋在座

送胡秀才元慶歸越中

海上初分手相思過半年如何萬里別又是九
秋天百越山重阻三韓地一偏前期未可下頭
白此離筵

別後

有客歸南越征帆帶夕暉途窮還此別歲晚欲
誰依九月清霜重孤城黃葉稀那堪相送罷寂
寞掩柴扉

自歎

鞞也龍鍾甚經秋守竹扉田園為計晚功業與

心違未有玉堪獻更無金可揮寒天登遠道只
著去年衣時將有湖
南之行

途中

暮經潺水驛驛在求禮縣
南十餘里宵越宿星山山在
原府南
二十餘里自分長辛苦那辭此險艱澗寒水折骨風
緊雪吹顏更想吾廬好爐薰書掩關

客中上元書懷

草草南州客愁邊歲又新微雲能掩月小雨不
開春亂世還今夕窮途抵此身平生木上座頭
白轉相親

題李主簿湖亭與子敏同賦

為愛君家好留連更賦詩捲簾江雨細隱几野
雲逢水國元千里山光自四時平生卜隣計付
與白鷓知

哭具金化容

不謂遽如許問天胡喪予淒涼朝露曲寂寞夜
臺居高適詩曰夜臺何靜念平生語重尋次茅
書向來憂世志牢落轉成虛

寄呈二梧亭主人

處世享清福主人真少儔傾家買絕境卜宅近

滄洲院靜桐陰夕池涼荷氣秋鳴琴與斟酒無
事不風流

九日懷抱甚惡

此日還愁思浮生亦可傷林風響枯葉山雨入
虛堂薄酒不堪飲寒花空自香無人慰幽獨心
事轉淒涼

大興洞作

經行二三日幾度到雲林石瘦蒼苔古蹊回黃
葉深澗聲晴作雨山氣晝生陰忽聽林端磬悠
悠塵外心一作生

石湖集卷之三
一五
絕壁當天險仙源衮衮來寒陰吹洞府倒影落
泉臺白日能飛雨青山自出雷平生為雙眼到
此不知回

朴淵

早發龍泉有作

一宿龍泉館鷄鳴更問歧谷虛人語響橋拆馬
行危俗學終何賴浮名只自欺前途猶萬里不
敢計歸期

次使相納清亭韻

忽覺邊城近仍知節序移凍川冰塞岸枯木雪

封枝酒薄堪深酌亭寒且少時吾行不落莫隨
處有新詩

新安館次使相韻

世紛遽如許鞍馬敢辭疲去矣成何事徒然辨
此癡浮生隨物化古意逐年衰勿謂官醪薄團
藥不亦宜

次宣城客舍

謝眺分符地停驂為一過柳邊西北路堤外兩
三家歌枕水聲遠捲簾山色多所嗟逢歲暮無
處覓春華

龍灣逢仲氏翰

京口分離後音書久杳茫相思今幾月茲會却
殊方雪裡生春色天涯似故鄉仍懷倚門望喜
極輒悲傷

次韻南窓金

成

謝使相惠鯁魚卵

忽喜真珠顆無端到客邊山肴何足數海味此
為偏的的光能紫盈盈體更圓分明泉客淚初
自水宮傳

奉送謝

恩使書狀金公駟

春愁不可道滿眼芳草生况為閑外客更送天

涯行鴨水既浩蕩鵲山亦崢嶸相失各萬里中
心那得平

題降仙樓

千年楚王峽形勝愜前聞水石分青野樓臺出
紫氛山疑屏裏畫人是夢中雲欲賦高唐事慚
無宋玉文

述懷寄宋天翁

此意憑誰道平生上有天極知身是夢聊用酒
為年物議隨時異人情逐勢偏吾聞宋榮子萬
事一猶然

江漲

伏枕愁多雨開門喜近湖微茫沙岸小迢遶水
村孤蹴地雷聲轉連空雪色鋪何當理舟楫乘
興到蓬壺

沈監司跋挽詞

一代論人物英才少似公艱難知苦節盤錯見
奇功 聖主方加眷私門忽告凶傷心仗鉞地
棠葉落秋風

題林子寬恒百花亭

早得安身法如君更幾人一丘堪避世小塢可

藏春酒後新詩好琴中古意真多慚走歧路羸
得滿衣塵

題送老堂為杏村酒隱作

此老今誰似能知養拙尊行藏挑竹杖身世杏
花村地僻山圍屋沙虛水到門茲焉可卒歲餘
事任乾坤

示玄翁趙顯
韓

問子何來此空山白竹扉夢中鄉路近江外故
人稀歲暮鳥烏瘦天寒燈燭微相看俱白髮重
覺寸心違

夜坐又示玄翁

靜念平生事于今幾折肱空山十月雨破壁二
更燈心似傷弓鴈形如入定僧那堪正寥落離
恨暗相仍

大風用玄翁韻

萬里塵沙漲千山鳥獸號江河翻地脉林谷吼
天牢向晚聲初杜中宵勢益高幽人坐深室不
寐聽松濤

哭古玉鄭先生碣

歎息神仙表平生夢想中大名詩價重浮世酒

壚空天欲窮吾輩人誰惜此翁一哀無限淚回
首向西風

醉賦示李實之春

節序遽如許浮生知幾何秋風捲溪雨暮鳥集
庭柯酒量吾差大詩才子患多向來飛動意相
見各蹉跎

附次韻

作別已多月相逢如老何朝端皆鼎貴歲晚
守枯柯帶郭雲陰重連空雨氣多平生詩酒
興從此莫蹉跎

次韻李端川子敏見寄

賤子人誰記，慚君枉短章。即今身潦倒，依舊酒顛狂。節序風霜急，音書道路長。何須問心事，舉目祇堪傷。

題呂氏林亭

呂氏棲遲處，林園喜寂寥。澄江宜落日，古木記前朝。野店皆依岸，春潮欲沒橋。何當來卜築，詩酒費招邀。

遊修證寺

曾聞修證寺，乃是古叢林。偶爾踏初地，悠然諧

宿心水。喧知石亂，迳盡覺山深。已此發清省，更聽鍾磬音。

贈李佐郎璫李江陵人也

歷歷江陵事，憑君更一聽。家人多習禮，士子盡通經。水作天然白，松留太始青。何當借隙地，送老此林垌。

宋子清浚妻氏挽章

結髮歸名族，溫溫有德音。可憐芳歲歇，此去夜臺深。剝落齊眉案，淒涼在御琴。呱呱小兒女，隣里亦沾襟。

題草堂

踏蹬風塵際棲遲水竹間敢論名位晚徒覺鬢
毛斑堰石留清澗開窓納遠山小詩還自課生
事未全閑堰一作擁

漫題

卜地依清澗開軒對小塘窓虛山入座簷短雨
侵牀得意乾坤濶無營日月長唯餘詩酒習老
去益顛狂

岑上人送紙索詩

好踏佳山水平生幾兩鞋清閑君也獨汨沒世

應皆彼岸難容到真空可得階老夫才力退深

愧水松牌真空一作諸天

送朴監司子龍亮赴開西二首

夙昔瞻風裁平生仰盛名芳年五鼎貴昭代一
家榮祭戟臨西土庭闈近古京黃州好樓閣想
見二難并長公為養方救黃州州之去
平壤僅一日程故篇內及之

國倚藩維重公今節制尊流傳箕子并形勝大
同門開樹秋先落邊雲暮更繁遙知浪水上歌
吹候行軒

題德陽遺稿後次荷谷韻稿乃奇公
遵所著

石川集卷之三
清詩有餘韻一讀一悽然世道曾多難吾生後
幾年從知苦士志不受衆人憐欲作投湘賦
城何處邊

奉和館伴李五峯好相公惠韻

步屨乘清曉風歌鬢上紗敲門看脩竹歸路踏
殘花野店深春雨江天薄暮霞此時冲逸老書
札到貧家

新晴獨遊後園

晚起身無事荒園獨杖藜泥晴蚯蚓出林暖鶉
鳩啼道味閑初熟詩情老轉迷他鄉少親識誰

問此幽棲

卜居

故里歸無計他鄉且自寬繩床煩地主陳簡齋詩云聊

從地主菜把謝園官杜工部詩園課隸有山木借絕床

邀人看藥欄浮生聊帶耳未用憶長安

西楹外故有棄地方丈餘蕪沒有年今春

余抱病不出日命小僮剷荒穢夷嶮嶮

雜植梧桐篠蕩花卉之屬以為流憩之

所而名之曰西臺紀以短律

築土西軒外為臺占地亘小梧初吐葉新笋欲

抽枝不有今年病爭成此段奇但令樽酒在猶足慰栖遲

重陽

令節不宜負朝來秋興長酒從前夜熟菊是故園香栗里籬邊醉龍山座上狂神交付冥漠異代可相忘

送南坡沈公悅按節湖西

海國雄藩翰人才倚棟樑別筵徒悵望前路極輝光地入扶蘇盡江從濯錦長遙知行部處春色滿甘棠

松棚

小屋茅簷短偏愁溽暑侵聊憑歲寒葉偷得午時陰露曉看瓔珞風宵聽瑟琴却憐卿相宅從倚畫堂深

次韻謝朴明府子真諱九日見訪

悄悄意不適采花香滿衣那知枉車騎忽此問郊扉酒重誇秋事林昏惜暮暉還同晉山簡醉自習池歸

途中作到公山示汝仁吟契

晨發細橋北路緣雙嶺間馬愁穿掌確人喜聽

潺湲遠樹分孤驛
遙程拍亂山
平生倦行役
秋日復江關

秋夜旅懷

久抱幽棲志
無端落遠鄉
艱難隨世務
羈旅費年光
一雨催秋晚
孤燈照夜涼
分明故園夢
風露滿西塘

題舍弟汝顯郊居

吾弟東山秀
林泉好卜居
生涯滿尊酒
心事一林書
步屨松陰靜
焚香竹雨踈
多慚走歧路
歸興負匡廬

題宋村宋林川幽居

久識幽居好
柴荆卜地偏
幾年勞遠夢
今夕了前緣
竹影秋宜月
林霏夜作烟
相看耿不寐
山果落尊前

次友人雨中見懷韻

青蛙知雨候
閣閣開官池
濕燕多依棟
寒蟬獨抱枝
身慵偏着睡
吟劇或成詩
最愛團蒲靜
茶烟惹鬢絲

將歸示友人

宇宙空搔首
風塵幾折肱
浮沉元有數
離合忽

石川集卷之三
二十四
無憑八月孤城雨清尊半夜燈明朝北歸路愁
殺亂山層

次友人贈別韻

去去終奚適栖栖不自謀有誰容懶性無地免
羈愁白首多年別清尊十日留浮生如落葉分
散錦江秋

自清輝至細橋終日行泥濘中

世故令吾病征驂犯曉寒未經今日苦誰信此
途難濁水高齋膝青泥躍上鞍天時正如許后
土若為乾

途中口占

瘦馬緣林麓崎嶇一逕斜山寒餘鴈雪溪淺露
晴沙夢裡秦京遠天邊楚驛賒恐教歸日緩孤
負五陵花

再宿姜太初溪堂次其韻

再宿煩溪老終宵聽水聲此生長汨沒浮世幾
逢迎歷歷眼前事悠悠身外名百年湖海酒聊
復對君傾

附元韻

三月清明雨春泉夜有聲政逢天下士渾似

夢中迎嗜酒者真性論詩愧大名一生能幾
見惟恐曙河傾

題高達夫_{達弘}幽居

一別身仍遠重來歲已華無端半夜雨更發幾
枝花古縣山圍野春塘水沒沙知君好者客忘
却在天涯

白蓮寺夜坐書懷

院靜僧初定山晴月更多踈螢依亂草暗鳥集
深柯壯志餘孤劍窮愁且短歌京華有兄弟消
息定如何

詠史

戚里多新貴朱門擁紫微歌鐘事遊讌裘馬闔
輕肥祗可論榮辱無勞問是非豈知蓬屋底寒
夜泣牛衣

十一月十三夜夢至一處頗有林泉之勝
茅屋數間幽絕可愛壁上有詩曰受謔
來物議發矢失同的旁有人曰此屋乃
故相思庵所居詩即相公手題也余不
解詩意彷徨吟咏忽得一句云故宅烟
霞裏行人水石間篇未就向人報曰相

公至矣余惶懼走伏竹林中俄而有老
人布衫草履癯然步來以杖叩竹林曰
吾竹已枯矣曰朗吟曰萬里歸來仍此
地百年何事定非天吟訖不見余亦驚
寤時夜將半風雪文作令人愴然起感
遂取夢中所得足成四韻
皎皎冰壺質真宜玉筍班中年辭爵祿卒歲飽
清閑古宅烟霞裏行人水石間九原安可作徒
此仰高山

送李子敏赴任潭陽

虎竹分南服慈顏慰北堂向來勤養養此去轉
輝光路接湖天濶梅生野館香幾時行部罷書
疏問滄浪

舟次餅潭

薄暮投魚店平明問水程經過知俗態飄蕩愧
浮生宿霧輕初散晴灘淺更鳴華山看漸遠回
首一含情

尹甥

從雲

從余于江都請寫

先人習齋詩

集及余拙作凡數百首以歸賦短律為

別

似舅真知無從來宅相賢却從湖外地相訪海
西埋詩句吾家事風流爾輩傳為將江鮑體書
與兩三編

送金生赴德川任

聖代知名士騷壇茅一豪相門清議重 親策
甲科高驥足宜千里牛刀且暫勞行行樹佳攸
行見重書廢

寄同福妻氏挽章

巨閥風流遠貞姿淑氣鍾一兒能記馬兩婿各
乘龍大化人誰脫歸魂路幾重遙憐閨裏月留

照若堂封

次鄭公述宗周湖亭韻

清江抱危閣水氣作微寒檻靜賒晴月簷虛納
遠山寧紆長者轍聊考碩人繁莫詬功名事浮
生也等閑

送李都事慶倬赴咸鏡道

去去關河遠看看世道非風波一失所社稷幾
沾衣驛路吟秋草離筵惜暮暉邊霜催早鴈音
信莫令稀

用東坡夜會聯句韻

帳望開西
下生浪上遊人烟箕子井花月謝
公樓虜酒春初熟賓筵夜不收誰憐十載後白
首坐窮愁

子敏臺山讌集和諸公韻四首

夢裡龍灣會尋思尚宛然
歌沸城郭羅綺豔
神仙好事追無路
清秋復出遊却愁高宴罷
明日隔天淵

坐客多是
閑西舊遊

弱歲追遊密羈淒契闊深
邗扉曾夜叩江岸憶
春出處俄殊跡
汗沉愁此心
重來讀書處
松桂出森森

少時與子敏
讀書于此

平宮
嶼漠野高近蔚藍
天白日低林杪
清江動
席邊
依倚漢陽樹
點上
陵船勝地寧無主
浮生亦有緣

勝地宜登覽清尊更引人
風烟迷近甸舟楫控
遙津興逸寧辭酒顏衰
暫借春不須嬾屢舞飄
盡滿衣塵

黃秀才坤挽章

一死人皆有唯君最可哀
子安方弱冠長言更
多才璧月沉滄海
文星落夜臺
應餘膝下慈魂
既倘歸來

李谷

母氏挽章

淑慎應多福康寧過七旬那知潔殮日忽罷彩
衣春濫醉陶家酒偏依孟母隣恣將雙眼淚沾
洒素車塵

偶題

老去仍多病生涯任陸沉雲山千里夢霜鬢百
年心曉雨鶯聲滑春江柳色深如何豔陽節悄
悄動悲吟

